

續輯均州志卷之九

軍制志敘

聖王有道四夷是守耀德相承觀兵則否叵柰姦
宄擾攘萑苻曷除戎器用戒不虞寓兵於農遐哉
古制秦漢迄今詰戎互異整軍經武惟將得人將
聯士氣士識將心行伍無虛師出以律以執干戈
以衛社稷於是詳營汛列郵傳攷歷代兵事臚著
於篇志軍制

隋大業中始立今州之名以前兵制無考唐貞觀

續輯均州志

卷之九

軍制

一

十年凡天下十道置府六百三十四皆有名號府
三等兵千二百人爲上千人爲中八百人爲下府
置折衝都尉一人左右果毅都尉各一人長史兵
曹別將各一人校尉六人士以三百人爲團團有
校尉五十人爲隊隊有正十人爲火火有長火備
六馱馬凡民二十爲兵六十而免唐書志州有府一
曰至誠唐書地理志天祐二年置昭信軍節度號戎昭
軍節度增領均房二州縣是年更戎昭軍曰武定
軍來治唐書方鎮表宋之兵制有三曰禁軍曰鑲軍曰

鄉兵建隆以來置馬軍騎射設於州者威邊熙甯

以後京西路騎軍步兵之額並改號曰勁武設於

州者威邊保定皆為鑲軍宋史宣和元年升武

當軍賜軍額宋史徽紹興六年名均房州民兵曰

保勝宋史高元典兵之官視兵數多寡為爵秩崇

卑長萬夫者為萬戶分上中下上軍七千中五千

下三千至元二十二年詔改元帥招討司為上中

下萬戶府元史州置萬戶府一焉攷元至世祖本

年貴州苗作亂劫順元路入其城遂攻阿牙寨湖

續輯均州志

卷之九 軍制

二

慰司合明革元舊制自京師達於郡縣皆立衛所

明史兵志洪武七年定制大率以五千六百人為一衛

衛設千戶所五一千一百二十人為一千戶所一

百一十二人為一百戶所每百戶所設總旗二人

小旗十人州及房竹皆置千戶所明史設守禦

千戶以下官所兵一千一百五十六名通志原隸襄

陽衛宏治十四年改隸鄖陽行都司

國朝順治初以前明衛兵積弱畸零專令挽漕改立

營制五年設鎮房縣營參將九年裁行都司將鄖

陽衛及均房竹山三所歸併襄陽衛十二年移房
縣營來駐仍名房縣營十三年改均房協康熙七
年改爲均房營額兵一千二百名十四年仍改均
房協額兵二千名十七年改均房鎮設左右城守
三營額兵一千二百名十九年仍改均房營至四
十五年陸續裁汰兵二百四十名雍正七年裁右
營守備以下官撥馬步兵二百一十名赴湖南新
關苗疆永保二協營防守改左營守備爲中軍守
備帶領左哨千總一員把總二員移駐房縣本年

續輯均州志

卷之九

軍制

三

因汛廣兵單不敷巡防奉

上諭設外委千把總六員添募兵一百名乾隆十五年
撥房汛兵十四名赴隨州防守二十七年奉

上諭添設額外外委三員四十七年刪除原食養廉名
糧七十四名公費名糧二十五名嘉慶八年

通志
作六

年將本營房汛撥歸鄖鎮左營管轄襄鎮前營光
化汛撥歸本營管轄改爲均光營設參將一員中
軍守備一員千總二員把總四員經制外委千把
總六員額外外委三員兵七百三十七名屬湖北

提標統轄十九年奉裁兵一百名道光四年撥兵
七名赴安陸營豐樂河防守十二年奉裁兵二十
二名赴直隸天津海口以資防範咸豐七年奉裁
兵六十四名撥歸新設長江水師以資防範存伍
兵五百四十四名除右哨駐光化縣實存駐州左
哨有馬戰兵四十一名無馬戰兵四十一名守兵
二百七十五名操馬四十六匹內外額五匹
據營冊
巡防汛地 共三十三塘

礮川水塘州西十五里陸路十里防兵四名

續輯均州志

卷之九

軍制塘汛

四

黃遠坪水塘州西五十里陸路三里防兵四名

遠河灘水塘州西九十里陸路六里接鄖鎮前營遠

河頂塘防兵四名

蒿口旱塘州西七十五里防兵四名

黑虎廟旱塘州西一百里防兵四名

白浪旱塘州西一百二十五里接鄖鎮前營茅箭

塘防兵八名

大礮山旱塘州南二十五里防兵四名

草店旱塘州南五十里防兵四名

分道觀旱塘州西南一百三十里防兵四名

袁家河旱塘州西南一百六十五里接鄖鎮左營

房縣馬嘶山界防兵四名

以上左哨千總專管外委千總協防駐黑廟

老鴉灣水塘州東三十五里陸路二十五里防兵四名

浪河水塘州東六十里陸路五十里防兵四名

青潭溝水塘州東九十里陸路七十五里防兵四名

沙沱營水塘州東一百二十里陸路一百里接本營右

哨分防光汛羊皮灘界防兵四名

續輯均州志

卷之九塘汛

五

槐樹關水塘州東北五里防兵四名

蒿坪旱塘州東北四十里防兵四名

玉皇頂旱塘州東北八十里接河南南陽鎮右營

內鄉縣黃家店界防兵四名

大柏旱塘州北三十五里防兵四名

火龍觀旱塘州北六十里接河南南陽鎮右營

川廳柏亭塘防兵四名

以上前司把總專管駐高村外委把總協防駐青潭

關王廟旱塘州南七十五里防兵五名

黑虎廟旱塘州南九十里防兵五名

烏鴉廟旱塘州南一百五里防兵四名

太和山旱塘州南一百二十里防兵十名

高店河旱塘州南一百六十里接鄖鎮左營房縣

烏油觀塘防兵四名

黃土壩旱塘州西南一百二十里防兵三名

仙人峰旱塘州西南一百三十五里防兵三名

趙家壩旱塘州西南一百五十里防兵三名

呂家河旱塘州西南一百七十里防兵四名

續輯均州志

卷之九

塘汛

六

西河旱塘州西南一百九十里接鄖鎮左營房縣

東浪塘防兵四名

擂鼓臺旱塘州西南一百九十五里接鄖鎮左營

房縣濫泥湖塘防兵五名

丁家營旱塘州東南七十五里防兵五名

青石鋪旱塘州東南一百里防兵五名

大界山旱塘州東南一百二十里接提標前營穀

城縣界山塘防兵五名

以上後司把總專管

駐太和山

外委把總協防

駐青鋪

驛站

均陽水驛在南門外西通鄖陽明隆慶時裁界山馬驛在州南一百二十里北至均陽驛南通襄陽原額夫一百九十四名馬九十六匹俱隆慶時裁國朝設夫四名腳馬十匹乾隆二十四年裁

鋪遞

州東南西路共十鋪設鋪司十名鋪兵五十二名俱係徭編

東南路

續輯均州志

卷之九 驛站

七

南關總鋪

鋪司七名

南十五里至雙栗鋪

鋪司一名

五名又二十里至中橋鋪

鋪司五名

又二十里至清

鋪司五名

微鋪

鋪司五名

迤東十五里至土陂鋪

鋪司五名

又十五里至姚子鋪

鋪司五名

又十五里至青石

鋪

鋪司五名

又二十里至界山鋪

鋪司五名

出境

達穀城縣王家鋪

西路

總鋪西十里至石河鋪

鋪司五名

又三十里至黃

洋鋪

鋪司五名

又二十里出境達鄖縣界山鋪

軍械原設數目

金蟒緞大纛旗十四面 金蟒緞什長旗七十面

硃紅緞督陣旗十二面 步弓四十張

戰箭一萬一千十八百八 生鐵洋礮一位七重三百

發貢礮一位十重一百四 熟鐵馬蹄礮十二位

小馬蹄礮十位 百子礮四位

劈山礮一位 子母礮一位鐵罐五箇

擡礮十位 架礮十位

噴筒十桿 擡鎗十桿

續輯均州志 卷之九軍械 又七

馬鎗一十六桿 烏鎗三百六十一桿

大鐵礮子一千八百二 小鐵礮子八百五十四

長茅六十桿 籐牌六十面

牌刀六十把 剖刀六把

刷刀一把 腰刀六百四十七把

帳房八十四架 鑼鍋八十四口

鐵鍬鋤各八十五把 鐵鏟八十五把

鐵斧七百三十七把 偏橋八十五箇

以上各項俱因節年出師動缺尙未修製足額

兵事

漢

光武建武四年戊子春二月壬申遣右將軍鄧禹率

二將軍與延岑戰於武當破之

後漢書光武紀

拜劉隆誅虜將軍討李憲憲平遣隆屯田武當

後漢

書劉隆傳

晉

元帝太興二年己卯夏五月甲子梁州刺史周訪及

杜曾戰於武當斬之禽第五猗

晉書元帝紀

先是趙誘

續輯均州志

卷之九

兵事

八

等討曾大敗於女觀湖曾遂徑造沔口元帝命訪

擊之訪進至沌陽曾等銳氣甚盛訪使將分左右

甄訪自領中軍曾畏訪先攻左右兩甄皆敗訪選

精銳八百人親自鳴鼓將士皆騰躍奔赴曾遂大潰

走固武當訪屯襄陽又擊破之收曾詣軍並獲第

五猗

晉書周訪傳

穆帝永和二年丙午桓温率衆西伐水軍自襄陽入

均口以征關中收三千餘口而還

晉書桓温傳

廢帝太和三年戊辰春二月符堅以荊州刺史楊安

出魯陽慕容垂等出南鄉苟池等出武當與長樂

公丕會攻襄陽

通鑑

孝武帝太元八年癸未秋七月鷹揚將軍郭洽

通鑑作郭

銓及符堅將張崇戰於武當大破之

晉書孝武帝紀

齊

東昏侯永元元年己卯春三月陳顯達拔魏馬圈魏

主救之命荊州刺史廣陽王嘉斷均口邀齊兵歸

路

陳顯達傳

魏主托拔宏寇沒南陽等五郡帝遣太尉陳顯達

續輯均州志

卷之九

兵事

九

率衆復爭之師入均口馮道根與鄉里人士以

牛酒候軍說顯達曰均水迅急難進易退魏若

守隘則首尾俱急不如悉棄船艦於鄴城方道步

進建營相次鼓行而前如是則立破之矣顯達不

聽道根猶以私屬從軍及顯達敗軍人夜走多不

知山路道根每及險要輒停馬指示之衆賴以全

尋爲均口戍副

梁書馮道根傳

唐

德宗建中二年辛酉秋八月山南東道節度使賈耽

討梁崇義以李希烈爲諸軍都統

唐書德宗紀

耽進屯

穀城取均州

唐書賈耽傳

僖宗中和四年甲辰冬十二月以馮行襲爲均州刺

史綱目

鄉豪孫喜聚衆數千人謀攻城劉巨容部將馮行襲伏士江隩以單舟迎喜曰州人思得將軍久矣顧將軍兵多必剽掠若畱衆江北以輕騎進我爲鄉導城可下喜信之既渡江吏出迎伏甲興行襲擊喜斬之衆皆潰行襲乘勝逐刺史呂燧據均州

續輯均州志

卷之九

兵事

十

巨容因表爲刺史帝在蜀均之右有長山當襄漢貢道有劇賊據險劫獻物行襲平之擢戎昭軍節

度使

唐書劉巨容傳

昭宗天祐二年乙丑夏五月王建陷金州戎昭軍節

度使馮行襲奔於均州

唐書昭宗紀

後梁

太祖開平三年己巳秋七月襄州軍亂殺其畱後王班房州刺史楊虔叛附於蜀八月均州刺史張敬方克房州執楊虔九月行營招討使陳暉克襄州

執其首惡李洪 五代史太祖紀

宋

高宗建炎二年戊申春金萬戶尼楚赫陷均州守臣

楊彥明遁去武當縣丞任雄翔以城降 建炎以來繫年要錄

四年庚戌秋九月乙卯桑仲陷均州進犯白土關已

未金均房安撫使王彥及桑仲戰於平麗縣敗之

宋史高宗紀

紹興元年辛亥冬十二月桑仲遣李橫復寇金州王

彥拒戰於馬郎嶺大破之均州平 宋史高宗紀

續輯均州志 卷之九 兵事 十一

三年癸丑夏五月王彥復金州金兵棄均房去 宋史高宗紀

紀

六年丙辰春三月名均房州民兵曰保勝又命招刺

三千人賜名必勝軍 宋史高宗紀

孝宗淳熙十一年甲辰春二月張榮三子諾爾布領

蒙漢軍守均州戊申九月宋兵襲均州諾爾布拒

戰大敗之 元史張榮傳

甯宗嘉定十年丁丑夏五月金人犯襄陽趙方檄統

制扈再興陳祥鈐轄孟宗政等禦之仍增戍光化

信陽均州以聯聲勢

通鑑續編

十一年戊寅春二月金人圍棗陽軍游騎至漢上均

州守臣應謙之棄城走

宋史甯宗紀

十二年己卯春正月金人犯棗陽攻光化軍破鄖山

縣進徧均州

宋史甯宗紀

理宗紹定四年辛卯蒙古圖類分兵攻宋諸城堡長

驅入漢中進襲四川克閬州過南部而還遂由金

取房前鋒三千人破金兵十餘萬於武當山趨均

州乘騎浮渡漢水

元史睿宗傳

續輯均州志

卷之九

兵事

十二

端平元年甲午春正月史嵩之露布告金亡命楊恢

守均並益兵飭備

宋史理宗紀

嘉熙三年己亥春正月元將塔海並禿雪帥師入蜀

號八十萬孟珙增置營砦分布戰艦遣張舉提兵

間道抵均州防遏

宋史孟珙傳

寶祐三年乙卯春正月城龍山

宋史理宗紀

景定五年甲子宋攻均州元總管李玉山敗走元帝

命張禧代之

元史張禧傳

度宗咸淳二年丙寅元張禧與呂文煥戰於高頭赤

山禧乘勝復均州 元史張禧傳

六年庚午春正月元均房州總管孫嗣禽統制朱興

祖 元史世祖紀

九年癸酉夏六月京湖制置司言去年冬間探司總

管劉儀盛聰總制趙鐸領精銳至均州文龍巖立

砦呂文煥既降均城受敵知郡劉懋偕劉儀等扞

禦宣勞詔各官將士陞轉 宋史度宗紀

帝熈德祐元年乙亥夏四月元命朱禛孫檄所部歸

附均房諸郡相繼降 通鑑續編

續輯均州志 卷之九 兵事 十三

元

順帝至正十一年辛卯盜起汝潁均州鄖縣人田端

子等亦聚衆殺官吏襄陽達魯噶齊孛羅帖木兒

將民兵捕斬之未幾行省廉訪司同檄以其所領

兵會諸軍於均房同討賊賊始退 元史孛羅帖木兒傳

十三年癸巳秋九月答失八都魯率兵略均房平穀

城攻開武當山寨數十獲僞將杜將軍 元史答失八都魯傳

十二月答失八都魯復均州 元史順帝紀

十六年丙申夏四月丙寅命安班太子與陝西行省

官同討均房 元史順帝紀

明

熹宗天啟七年丁卯春總兵張臣擊賊均州五嶺山

敗績身中一矢退還河南 明史張臣傳

莊烈帝崇正六年癸酉冬十二月河南賊陷伊陽盧

氏掠均州 綏寇紀畧

七年甲戌春賊自浙川入鄖犯南漳宜城圍均州 綏寇紀畧

畧紀

夏四月兵部右侍郎兼右僉都御史總督陝西山

續輯均州志 卷之九 兵事 十四

西河南湖廣四川軍務陳奇瑜檄諸將會兵陝西

先是老回回過天星滿天星闖塌天混世王五大

營自楚入蜀陷夔州阻險復走還楚分爲三一犯

均州往河南一犯鄖陽往浙川一犯金漆坪渡河

犯商南奇瑜乃馳至均州檄四巡撫會討 明史陳奇瑜傳

八年乙亥秦翼明從盧象昇逐賊穀城賊走均州翼

明敗之青石鋪賊入山自保翼明攻破之連破賊

界山三道河花園溝禽黑煞神飛山虎 明史秦良玉傳

九年丙子春三月賊從光化之羊皮灘均州之沙沱

營偷渡均州宜城穀城環山皆賊秦翼明以步卒
逐賊於南漳深入山中轉戰浹旬不能一大創均
州土寇爲鄉導焚武當太和宮會於襄陽七月初
六日盧象昇提兵入襄陽因京師有急入援紀綏寇
十一年戊寅秋九月熊文燦戰流賊於雙溝大破之
斬首二千餘級羅汝才惠登相率九營走均州李
萬慶率三營走光固十一月京師戒嚴召洪承疇
孫傳庭入衛汝才等以爲討己也懼而叩太和山
提督中官求撫於文燦許之處汝才及一丈青小

續輯均州志

卷之九

兵事

十五

秦王一條龍四營於鄖縣處登相及王國甯常德
安楊友賢王光恩五營於均州明年五月張獻忠
反於穀城劫汝才於房縣於是九營俱反明史熊
文燦傳

十二年己卯秋楊嗣昌出師襄陽周遇吉從中官劉
元斌往會會張獻忠將至房縣嗣昌策其必窺渡
鄖灘遣遇吉扼守槐樹關張一龍屯光化賊遂不
敢犯十二月獻忠敗於興安將走竹山竹谿遇吉
復以嗣昌令至化石街草店扼其要害賊自是盡

入蜀

明史周遇吉傳

十三年庚辰冬十二月李自成由鄖均走河南明史
傳賊

十五年壬午冬十二月李自成寇均州知州胡承熙

與其子爾英俱死之明史陳美傳

李自成陷襄陽均州攻鄖陽四日而去明年春復

來攻十餘日不克乃退屯楊溪五月鄖陽按察使

高斗樞召遊擊劉調元入城旬日間殺賊三千餘

自成將來攻卒不克而去乃令王光恩復均州調

元下光化躬率將士復穀城將襲襄陽聞孫傳庭

續輯均州志 卷之九 兵事 十六

敗旋師均州復爲賊有十七年正月自成遣將路

應標等以三萬人攻鄖斗樞遣人入均州燒其蓄

積賊乏食而退明史高斗樞傳

國朝

順治四年丁亥鄖陽撫治潘士良與王光恩以爭禮

微嫌馳疏入告

詔繫光恩赴京其弟光興光泰以衆叛殺官吏破穀城

陷均州據鄖陽

九年壬辰流賊郝永忠據房縣出入無常每至州境

民受其害

十年癸巳郝賊入州城百姓逃避賊作桴渡江殺擄
殆盡

康熙元年壬寅滿漢兵進勦賊衆餽餉絡繹多經州
境越二年乃平

十三年甲寅夏五月副都統德業立大敗叛將洪福

於武當山

按福鄭副將
叛應吳三柱

十五年丙辰秋九月湖廣官兵破洪福於州西芝河
村

續輯均州志

卷之九

兵事

十七

乾隆六十年乙卯冬白蓮教匪倡亂起自荆宜勾連
襄鄖及川陝匪目分頭舉事嚶匪附之擾楚豫殘
秦隴蹂躪川東西北州縣殆徧州當秦豫楚蜀之
衝被害最深嘉慶元年丙辰二月賊陷保康竹山
圍房縣州境戒嚴知州陸衣曾飛札數十飭各鄉
村鎮招勇壯設團卡清釐牌甲嚴緝姦宄防偵探
虞竊發也二年秋八月十七日襄陽賊魁張漢朝
由穀城竄均衆約二萬餘敗南鄉諸村鎮團勇殺
團首張近仁張朝選張齡鶴等沿塗焚殺直犯土

城武生蘇志達帥鄉團禦之以戰死時明將軍亮
躡其後駐兵丁家營不敢擊賊焚掠數日抵鄖縣
之花果園遇護軍統領公爵惠倫戕之遂走房竹
間三年五月十六口復竄均越五日遁赴川省威
勇侯額勒登保勦之也五年正月二十七日賊首
張永壽王廷詔徐天德合衆數萬入官山河破鹽
池官卡沿山百餘里大肆荼毒二月孫鎮軍清元
兵至賊已去矣三月賊復來王漢雯督鄉團禦於
州南大礮山衆潰雯幾不免賊乘勝薄城然畏礮

石不敢偪夜焚城南關廂火光燭天守陴者毫髮
可數關廂房屋燬十之六七遲明卽遁去自是豕
突狼奔倏來倏往一歲未帀十犯均六年正月賊
二萬寇南鄉飽掠旬日分三股颺去七年五月賊
餘黨潛踞州南山中不時來寇副都統長齡擊走
之未幾大軍戡定三省均民始休息焉

咸豐六年丙辰秋九月襄陽土匪糾衆倡亂

以紅巾纏頭呼

紅巾賊 穀城光化諸不逞相繼蠢動我均密邇襄陽

光穀尤近在肘腋聞警官紳集議設團防總局籌

軍饋備器械訓練丁壯爲戰守計冬十一月初二日穀城賊首張瞎子竄州南草店鎮知州吳嗣仲參將張天篤揀派弁紳督營兵百練勇二百義勇千前赴迎勦初三日辰刻遣賊聞兵營轟戰逾時賊小卻馳騎間道襲我軍後師遂敗績貢生蕭光炳生員賈洪綸武生孫式周死之賊乘勝薄城直奪南門以大將軍礮擊之斃賊數十乃退踞關廂民舍升樓穴壁礮擊我守城軍士薄暮風雨交作賊全股偪城南西一帶肆力攻撲守陴者皆立風

雨中官紳亦冒雨梭巡互相接應時文武協和紳民激厲大有與城存亡之心賊攻圍竟夜不得逞黎明遁去仍踞草店鎮十八日襄陽賊首高二先范二娃馮三典等被下游兵勦敗自沙沱營渡河衆約二萬人來會敗鄖陽兵勇於花櫟樹勢愈熾十九日偵騎數十來窺我靜以鎮之旋竄去二十日復大股寇城圍攻甚急我衆登陴拒守四晝夜轟賊雲梯攬牌皆立碎賊列礮臨江橋掘地道攻我我以高擊卑未能得手計於城東北隅縋健兒

數十調輕舟置礮其上順流抵臨江橋吶喊搖旗
霆擊雷震鄉勇戍河東者亦吼聲相助賊驚怖棄
紅巾而奔地道中無一得脫者二十三日夜漸解
圍去詰旦關廂竟無一賊偵之則相率奔德鎮軍
壘矣鎮軍名恩提援兵二千次丁家營築砦牆插
鹿角聲言藥鉛在後至之日與賊戰賊信之而喜
其機可乘因糾衆往直突其營德軍堅壁不動益
易之俄礮連環發殪無算又出奇兵二左右夾擊
賊大潰騎兵乘之殲戮千餘數里中僵尸相屬蓋

以賊衆我寡野戰非利誘之就我而擊之此明於
勞逸之故而轉移主客之形也二十五日賊由官
山河竄房竹會鹽道常恩副都統舒興阿亦統兵
至州人士齎糧犒師而各帥志切討賊皆躡蹤追
去州城解嚴初賊之薄州城也承平日久人不知
兵營兵半戍下游布陣難周門丁悉派民間膽氣
未壯重以軍銳初挫賊勢方張當此之際幾瀕於
危而卒能禦悍賊保孤城慶磐石之固獲衽席之
安雖曰人事豈非天幸哉七年正月高二先在保

康經常德二軍勦敗走州東青山港謀結筏渡漢
爲鄉勇礮船所扼殲斬百數十人不得渡二月賊
由三官殿上犯葫荻山鄉勇禦之不利戕六品軍
功譚正統王修文陳從道夜馳二百里於州西黃
遠坪奪舟濟河連敗州東北板橋河石鼓關康柳
村諸團勇武生程玉潔團首盧天文朱元同遇害
武舉郭學純力戰死內鄉縣監生淩飛熊六品軍
功馬同德率鄉勇拒戰白石河敗歿賊由攬賊口
走鄧州三月別部賊復犯均大掠官山河至蒿口

殺團首彭商賢我兵截勦仍竄房竹四月張瞎子
由歸州興山竄南漳武安堰經將軍巴揚阿候補
知府唐訓方勦急投誠餘黨拮不動敗竹山謀竄
陝爲卽補道唐訓方延綏總兵龍澤厚所遏遂回
竄州西孫家灣我軍暨鄖縣鄉勇併力合勦賊窮
蹙乃踞太和山天門負嵎相抗唐龍二軍追至山
路峻險未敢輕進我軍爲鄉導作前隊由豆腐溝
捷徑攻其背兩營兵乘之賊不能禦退保紫金城
監生明邦儒攀崖仰攻中流矢殞五月初五日大

軍克紫金城獲醜類數百斬之紅巾平

同治元年壬戌冬十月髮逆由安徽竄河南李關橋
城中聞警戒嚴知州熊登瀛會參將阿達春布分
兵勇登城防守諭西南各村紳保抽丁戍河干濟
以礮船上下巡徼初八日賊大至州北全竟百餘
里徧地皆賊初九日賊由槐樹關過滄浪亭至距
城三里之潘家埡伏衆山凹僅以十數賊嘗我舟
師我鼓棹中流游擊移時賊乃退旋有黃旗數杆
上東山絕頂則伏山凹賊也十一日夜賊編筏馬

家嘴謀渡河礮船轟之潰生擒數賊送官正法十
五日賊自鄖縣武陽店渡河長驅入漢中